

ZAPISNIK

sa devete redovne godišnje Skupštine Društva bibliotekara pravnih i srodnih biblioteka Jugoistočne Europe (u daljnjem tekstu Društvo), održane dana 17.06.2017. godine, u Neumu, hotel „Neum“

Skupština započela u 10:30 časova.

Godišnjoj skupštini prisustvovali su:

1. Edita Bačić
2. Ljiljanka Šunje
3. Dragana Milinčić
4. Dragutin Nemeč
5. Maja Đorđević
6. Vera Petrović
7. Violetta Bottazzo
8. Sanja Golijanin
9. Mirela Rožajac-Zulčić
10. Blanka Salatić
11. Blaženka Peradenić Kotur
12. Natalija Orešek

Godišnjom skupštinom predsjedavala je Edita Bačić. Usvojen je sljedeći

DNEVNI RED

1. Usvajanje zapisnika sa prošle Skupštine
2. Prijem novih članova
3. Izvještaj o radu (programski i finansijski)
4. Usvajanje Etičkog kodeksa Društva
5. Usvajanje Pravilnika o članstvu Društva
6. Izbor predsjednika Društva, izbor članova Upravnog odbora Društva
7. Izbor tajnika i blagajnika Društva
8. Plan rada
9. Razno

Ad 1) Predsjednica Društva Edita Bačić je upoznala prisutne članove Društva sa sadržajem Zapisnika sa osme redovne godišnje Skupštine Društva bibliotekara pravnih i srodnih biblioteka Jugoistočne Europe iz 2016. godine koji je jednoglasno usvojen.

Ad 2) Na devetoj redovnoj skupštini Društva izvršen je prijem jednog (1) novog člana:
– Natalija Orešek iz biblioteke Pravnog fakulteta u Mariboru.

Ad 3) Sanja Golijanin je, u skladu sa uputama predsjednice Društva, upoznala prisutne sa dosadašnjim rezultatima rada. Gotovo sve prošlogodišnje planirane aktivnosti su realizovane:

- novo radno tijelo zaduženo za održavanje našeg repozitorija je aktivno djelovalo u proteklom periodu; Mirela Rožajac-Zulčić je apelovala da se proaktivnije djeluje i da

- se članovi uključe i dostavljaju sadržaje koji bi se postavljali na našu web stranicu; u toku je i ažuriranje engleske verzije web stranice; Blaženka Peradenić Kotur je naglasila da je potrebno da se finalna verzija Statuta Društva postavi na web stranicu; Edita Bačić je predložila da se pozitivna praksa Društva takođe postavi na web stranicu;
- Vanja Eror je preuzela obavezu da kreira FB stranicu Društva, što još uvijek nije realizovano; dogovoreno je da članovi Društva koji preuzmu neku od obaveza dostave izvještaj o urađenom, te da nije uputno preuzimati obaveze koje se ne mogu realizovati;
 - neophodan je nastavak međuinstitucionalne saradnje na regionalnom nivou, te je kao mogući partner prepoznat SEELS /The South East European Law School Network/, a potrebno je nastaviti sa iznalaženjem mogućnosti eventualne saradnje sa Dabrom /Digitalnim akademskim arhivima i repozitorijima/;
 - novoformirano uredništvo Vodiča je uputilo poziv kolegama za dostavljanje ažuriranih verzija tekstova, ali odziv nije bio zadovoljavajući; s obzirom na ograničena finansijska sredstva za štampanje, dogovorena je izrada digitalne verzije; Sanja Golijanin je upoznala prisutne da je kontaktirala Maju Sijerčić i Sašu Madackog, te da nije iskazan interes za nastavak saradnje na publikaciji *Pravno bibliotekarstvo: teorija, praksa i temeljni principi*; s obzirom na do sada urađeno, kao i značaj samog priručnika, Edita Bačić smatra da je neophodno nastaviti sa radom na ovoj publikaciji;
 - izrađene su i podijeljene zahvalnice dosadašnjim partnerima za dosadašnji doprinos u radu i razvoju Društva;
 - u skladu s preuzetim obavezama, Edita Bačić i Dragutin Nemeć su izradili prijedlog internih akata društva - Etičkog kodeksa i Pravilnika o članstvu;

Edita Bačić je obavijestila članove SEALL-a o produženju članstva u međunarodnoj organizaciji IALL, u koju se Društvo učlanjuje već šestu godinu u kontinuitetu. Članarina za 2017. godinu iznosi 130 \$. Takođe, Edita Bačić je informisala prisutne da više neće biti mogućnosti uplaćivanja grupnih članarina.

Izvršena je uplata redovnih godišnjih članarina koje uplaćuju svi članovi Društva za period 2017. Članarina za fizička lica ostaje nepromijenjena (10 Eura).

S obzirom na dogovoreno načelo solidarnosti, pojedinim učesnicima konferencije u Mostaru su vršene refundacije putnih troškova, plaćeni su i tekući i organizacioni troškovi protekle konferencije u Mostaru kao i troškovi za pripremu planirane konferencije u Skoplju. Predloženo je da se kolegama kojima je to neophodno refundiraju troškovi smještaja u Neumu.

Saldo na računu Društva na dan 01.03.2017. iznosi 416,93 kune.

Nakon svih gore navedenih isplata za članstvo u IALL-u na računu se nalazi i 795,52€.

Prisutni su jednoglasno prihvatili narativni i financijski Izvještaj o radu i poslovanju Društva za razdoblje 2017.

Ad 4) Edita Bačić i Dragutin Nemeć su izradili prijedlog Etičkog kodeksa Društva. Predloženi dokument je nakon detaljne analize u pojedinim dijelovima korigovan kako slijedi:

Etički kodeks:

- Čl. 1. - izbaciti „zaposlene u pravnim“
- Čl. 2. - ok
- Čl. 3. - dodati „osobni život“
- Čl. 4. - ok
- Čl. 5. – treba da glasi: „...trebaju slijediti načela objektivnosti, nepristranosti, razboritosti, korektnosti, profesionalne čestitosti, dijaloga...“
- Čl. 6. - ok

Edita Bačić je naglasila da je bitno i načelo ekonomičnosti.

Nakon inkorporiranja navedenih korekcija, Etički kodeks je jednoglasno usvojen.

Ad 5) Edita Bačić i Dragutin Nemeć su izradili prijedlog Pravilnika o članstvu Društva. Predloženi dokument je nakon detaljne analize u pojedinim dijelovima korigovan kako slijedi:

Pravilnik o članstvu:

- Čl. 1. - izbaciti „domaća i strana“, dodati „s Etičkim kodeksom Društva“
- Čl. 2. - ok
- Čl. 3. - dodati „osobni život“
- Čl. 4. - ok
- Čl. 5. – dodati „sukladno roku navedenom u pozivu“ umjesto „unutar 24 sata“
- Čl. 6. – dodati u predzadnjem pasusu „odredbama Etičkog kodeksa Društva“
- Čl. 7. – dodati „Upravni odbor, kod moguće odluke o isključenju iz članstva, može se rukovoditi i načelom solidarnosti.“
- Čl. 8. – dodati „Član koji na svoj zahtjev istupa iz članstva, svoju odluku treba dostaviti Upravnom odboru Društva u pisanom obliku.“
- Čl. 9. – ok
- Čl. 10. – dodati „Ovaj Pravilnik stupa na snagu danom donošenja.“

Nakon inkorporiranja navedenih korekcija, Pravilnik o članstvu u Društvu bibliotekara pravnih i srodnih biblioteka Jugoistočne Europe je jednoglasno usvojen.

Ad 6) U skladu s dnevnim redom, izvršen je izbor predsjednika Društva i članova Upravnog odbora Društva.

Edita Bačić je iskazala spremnost da u naredne dvije godine nastavi sa obavljanjem funkcije predsjednice, ali da je nakon tog perioda potrebno izvršiti kadrovske promjene, te pronaći adekvatnu osobu koja je spremna, voljna da nastavi započete aktivnosti, koja uživa povjerenje svih članova Društva i koja je predana misiji i temeljnim načelima Društva.

Edita Bačić jednoglasno je izabrana za predsjednicu Društva za naredno dvogodišnje razdoblje (2017 – 2019).

Za naredne dvije godine predloženi su članovi Upravnog odbora u sljedećem sastavu:

1. Edita Bačić
2. Mirela Rožajac-Zulčić
3. Goran Petrović
4. Dragutin Nemec
5. Vera Petrović

Svi gore predloženi članovi: Edita Bačić, predsjednica, Mirela Rožajac-Zulčić, Goran Petrović, Dragutin Nemec, Vera Petrović jednoglasno su izabrani u Upravni odbor Društva za naredno dvogodišnje razdoblje (2017 – 2019).

U konstruktivnom dijalogu i žustroj razmjeni mišljenja vezanoj za dugoročne planove o radu Društva kao poželjnog kandidata za preuzimanje vodeće uloge u radu Društva prisutni su izdvojili Mirelu Rožajac-Zulčić. Blaženka Peradenić Kotur je predložila da se sjedište Društva nakon dvije godine dislocira iz Splita.

Ad 7) Za generalnu sekretarku je ponovo izabrana Violetta Bottazzo, za blagajnika Goran Petrović, a za zapisničara Sanja Golijanin.

Svi prijedlozi su jednoglasno prihvaćeni.

Ad 8) Za naredni dvogodišnji period planirane su sljedeće aktivnosti:

- proširivanje izdavačke djelatnosti Društva; pored planiranog Vodiča, angažovati se na izradi zbornika radova članova Društva
- sva izlaganja sa skupova Društva postaviti na web stranu i prirediti za objavljivanje
- Dragutin Nemec je predložio da se na web strani Društva planira i repozitorij radova u PPP
- Mirela Rožajac-Zulčić ističe nužnost uspostavljanja načela o postupanju, sa posebnim akcentom na prikupljanju i objavljivanju autorskih radova na web strani Društva

- Edita Bačić smatra da je potrebno djelovati u cilju promocije Društva te u što većoj mjeri u periodičnim publikacijama obavještavati i oglašavati informacije vezano za održavanje skupova i konferencija
- Violetta Bottazzo predlaže da se svi objavljeni članci i informacije u periodičnim i drugim publikacijama postave na web stranicu Društva
- Dragutin Nemec smatra da je neophodno početi promišljati o pripremi i izradi strateškog dokumenta Društva koji je temeljen na dosadašnjim aktivnostima
- razmatrane su mogućnosti organizacije planirane konferencije u Skoplju, te su prisutni upoznati s poteškoćama vezano za finansijsku komponentu organizacije; dogovaran je mogući termin održavanja konferencije, kao i potencijalni partneri i izlagači; **donesena je odluka o održavanju konferencije u Skoplju**
- Edita Bačić je obavijestila prisutne da je Dragan Marković bio spriječen da dođe, ali da je izrazio spremnost za nastavak dosadašnje saradnje

Neophodno je nastaviti sa dosadašnjim postignućima Društva kao što su uspostavljanje i razvoj načela otvorenosti, transparentnosti, profesionalnog uvažavanja, te se angažovati na izradi projekata, organizaciji radionica, okruglih stolova i susreta na regionalnom i međunarodnom nivou, jačanju saradnje s pravnim fakultetima, pravosudnim tijelima i drugim srodnim institucijama i bibliotekama Jugoistočne Evrope.

Ad 9) Predsjednica Društva je izvršila podjelu osobnih certifikata svim prisutnim članovima. Dragocjena informacija je i da je ove godine u okviru znanstvenog skupa „Aktualnosti građanskog i trgovačkog zakonodavstva i pravne prakse“ naše Društvo

dobilo Priznanje za 13 (trinaest) godina postojanja i doprinosa održavanju ovog međunarodnog skupa.

Dragutin Nemec je informisao članove da kolegica Maja Tomeček smatra neproaktivnim formalizovanje svog članstva u Društvu imajući u vidu činjenicu da već dugo nije prisustvovala skupštinama i sastancima. S obzirom da je članstvo u Društvu regulisano internim aktima, moguće je da se isključenje iz članstva realizuje u skladu s propisanim procedurama.

Edita Bačić smatra da je dolazak u Neum izuzetno važan, te da je aktivnu ulogu u Društvu teško ostvariti bez prisustva okruglim stolovima, konferencijama i skupštinama.

Skupština završena u 13 časova.

ZAPISNIČAR:

1. Sanja Golijanin



OVJEROVITELJ:

2. Blaženka Peradenić-Kotur

